


下



倪雲林先生詩集卷之五

荆溪 寒 曦 朝陽編集

八世孫 理 重刻

五言絕句

題臨水蘭

蘭生幽谷中倒影還自照無人作奸暎春風發微笑

二月廿二日潘子素王升明來慰藉臨別為寫

水傍樹林圖

積雨開新霽汀洲生綠蕙臨流望遠岫歸思忽如雲

題畫與溥泉

息景憇烟霞澄懷卧丘壑久遲蘇仙君莫驚松上鶴  
玄洲倡和十首繼趙魏公張外史作

奕奕三素雲團團如車蓋下有採芝仙游神與天會

右茵山

玉晨啓玄扉靈篇授飛仙鍊景返洞官保真億萬年

右羅姑洞

混淪青瑤派煥爛雲錦光飛輶駕神君宛在旬山陽

右霞駕海

胎仙集丹臺真宰降玄居翕忽神飈散燒香禮太虛

右鶴臺

密葉蔭方壇珎林寄深谷華源遠莫窮時有幽人宿

右桐葉源

步虛朝東華高嘯追遠遊玄館授妙道逍遙宴神州

右玄洲精舍

虛林想遺躅壇館廢仍存落葉藏丹竈清晨雲氣溫

右紫軒

蒼雲乘白鶴傳說手栽松山室清眠夜千巖聞勁風

右隱居松

玉標明霞秀靈炁混合成流光映金宮靈旆招萬靈

右玉像龕

題自畫

東海有病夫自云繆且迂書壁寫絹楮豈其狂之餘  
青林藏曲密遠水間微茫飛鷺浴鳧處人家半夕陽  
夜作古木怪石因題

夜遊西園渚初月光炯炯徒倚巖石下愛此林木影  
雨竹

雨過瀟湘渚風生渭水波暮窓揮醉墨翠霧濕烟蘿

竹石圖

雨過黃陵廟風生湘水波當時卸帆處苔石倚喬柯

寄友

風雨暮蕭蕭高人共寂寥何時截湘玉踏月夜吹簫

題畫

荆溪山水勝不到十年餘蔣氏遺基上寒藤學草書

菜圃

食菜雖云美茶苦薺自甘猶勝高陽徒羶葷自飫酣

詩卷五  
題秋亭曉色圖

園林夏雨歇  
旭日照蒼苔  
誰見竹亭裏  
孤坐興悠哉

春江歌釣圖

春洲菰蔣綠  
江水似空虛  
望山以高咏  
意釣不在魚

墨竹

明月臨虛幌  
踈篁舞翠鸞  
歎吟苔石上  
霜葉媚天寒

六言絕句

題良常草堂圖

結屋正臨流水  
開門巧對長松  
為待神芝三秀  
移居

華蓋西峰

題畫

舟泊溪流曲  
曲鳥啼烟樹重  
重歎思白鶴遺址  
好居五老雲峯

田舍

映水五株楊柳  
當窓一樹櫻桃  
洒掃石間蘿月  
吟哦琴裏松濤

山鳥下窺窓牖  
春風時過柴門  
避世何須鄭谷  
作書已絕巨源

詩卷五  
四  
為曾高士畫湖山舊隱

厭聽殘春風雨卷簾坐看青山波上鷗浮天遠林間  
鶴帶雲還

南村草堂

雲溶溶兮覆渚波剡剡兮侵扉魚羣泳而自樂狎鷗  
馴以不飛

雲溪佳處

誰覓雲溪佳處渚花汀竹迷藏去鶴原邊倚杖浮鷗  
波上鳴榔

題竹圖

黃陵廟前雨過邯鄲谷口風生夢殺山人清致縱橫  
淡寫秋聲

題畫

蒼畫溪頭喚渡銅官山下尋僧水榭汀喬曲曲風林  
雲磴層層

已酉八月廿六日謾題

田父聊同尔汝狂夫徒問如何昔日揮金豪俠今朝  
苦行頭陀

題溪山雪霽圖贈張以中

水影山容黯淡雲林細篠蕭疎誰見重居寺裏雪晴  
沙際吟餘

題畫

雨過黃陵廟下雲生玉女井邊野雉雊鳴斜日鷓鴣  
啼破林烟  
月下參差雙玉燈前蕭散孤鴻寄興只消毫楮寫懷  
不用絲桐

竹上誰彈清淚如鉛春雨斑斑滿眼湘江波浪望窮

白鳥飛還

高樹長松共晚蒼筠野石同貞珎重王家公子翩翩

白鶴神清

高柳喬柯小閣水光山色衡門未老作閑居賦無錢  
對北海樽

孝侯廟前雨過菴畫溪頭日曛舊迹如今夢裏春風  
愁亂行雲

燕乳一首

燕乳雛成竟去鸞悲影隻難雙借問榮歸故里何如

高卧北窓

畫竹

珍重黃華父子遺風得似洋州松雪于今冥冥房山  
去後休休

我愛焦君味道筆端點綴清新規模虎兒早歲未窺  
北苑入神

贈潘仁仲

瓶內花簪白萼庭中池養金魚馴虎只憑丹竈活人  
惟留素書

倪雲林先生詩集卷之六

荆溪 寒 曦



八世孫 理 重刻

七言絕句

村居

踈踈梅雨橘花香寂寂桐陰研席涼怪底林間金彈  
子枇杷都熟不知嘗

絕句四首次九成韻

我別故人無十日衝烟艇子又重來門前積雨生幽



草墻上春雲覆綠苔

斷送一生碁局裏破除萬事酒盃中清虛事業無人  
解聽雨移時又聽風

沒逕春泥不出門山烟江霧晝長昏槽床聲雜茅簷  
雨破却陰寒酒自溫

郊子論詩冀北空晤言千里意常同待晴紫陌堪縈  
手行咏山光水影中

至正十四年二月廿五日雨郊君九成賦絕句四  
首云杏花簾幙看春雨深巷無人騎馬來獨有倪

寬能憶我黃昏躡屐到蒼苔春色三分都有幾二  
分已在雨聲中墻東兩箇桃花樹恨殺朝來一番  
風十日春寒早閉門風風雨雨怕黃昏小齋坐對  
黃金鴨寂寞沉香火自溫春寒時節病頭風惆悵  
年華逝水同世事揔如春夢裏雨聲渾在杏花中  
倪瓚留宿高齋篝燈為寫春林遠岫圖并次韻四  
詩題畫上時夜漏下三刻矣佩章齋中書

絕句三首

秋水清虛似汎槎此生汨沒似無涯蕭闌堂上收書

坐八月芙蓉始着花

芙蓉花下坐鳴琴疑在湘江斑竹林翠節霓旌烟雨  
濕秋來江水不知深  
岳生孫子家清顛袁老彈琴和澗泉一簣松肪初釀  
得贖將醉爾竹林前

畫贈馮文仲

知君近住西湖曲湖水淪連似輞川窓下青松高百  
尺時時落雪滿琴絃

寄安遇

隣家借得酒盈罌薄飯留君午不羹僧夏安居餘半  
月重來相與說無生

題玄會庵壁間

風雨縈愁夢不醒紫薇花發渚南亭望中迢遞孤烟  
起白鳥飛來菰蔣青

追和戎昱寄許鍊師

雲霧軒窓倚半空少霞銘處識新宮遙看一片秋山  
色鶴影徘徊明月中

雙井院前小立

山色微茫好放船秋葉野水夕陽邊西風更洒菰蒲  
雨羨爾沙鷗自在眠

雨晴

江上白蘋風起波冷紋縈碧暮烟和織成一幅鴛鴦  
錦零落紅衣遠恨多

王季野示余米元章詩卷因次韻

喟然點也宜吾與不利虞兮奈若何鴻雁不來風  
孌庭前樹子落杪櫛

吳松江只蒲萄綠金井峯仍縹緲青說與弋人何慕

我高飛鴻鵠杳冥冥

大姚湖水白生烟長物都除絕世緣笙鶴不為歸鶴  
怨王生真是勝丁仙

題竹樹圖

海中鉄網珊瑚樹石上銀鈎翡翠梢烏夜亂啼江月  
白檀欒飛影下窓坳

江邊樹影墨模糊江上青山日欲晡野思悵然無晤  
語時來臨水照眉鬚

次韻曹都水

水品茶經手自箋夜燒綠竹煮山泉莫留樵客看棋  
局持斧歸來幾幾年  
蕭閒館裏挑燈宿山蜀重敷六尺床隱几蕭條聽夜  
雨竹林烟幕煮茶香

惠麓小隱

錫麓洞前開竹扉孟公舊築草堂基已倩王維圖別  
業更從裴迪賦新詩

次韻春雨

鸚啼花落罷琴尊山郭鳴鐘霽已昏莫嗔野鹿當蘿

迳只有春風到華門

青林微雨見東臯桑柘陰陰飛百勞可憐柳絮浮春  
水無復縈空百尺高  
黯黯春雲映戶輕綠蕪斜日忽開晴依微野迳泉侵  
盡風落桐花遠思生  
桐葉題詩憶君處望春惆悵夕陽沉憂來蝶夢飛烟  
草黃髮蕭蕭曾不簪

水仙花

曉夢盈盈湘水春翠虬白鳳照江濱香魂莫逐冷風

散僂學黃初賦洛神

絕句

醉喚吳姬舞蹈筵風欄花陣亦回旋愁生細雨寒烟  
外詩在青蘋白鳥邊

拜石圖

米章夢硯復愛石探瑰抉竒久為癖石兄足拜自寫  
圖乃知顛名不虛得

賦宜遠樓

宜遠樓前春可憐數峯依約亂流邊若為倚劍崆峒

外回望齊州九點烟

別潘先輩

君來烟草正淒迷君去溪頭柳葉齊挂席中流竟東  
上莫重回首向荆溪

懷曹都水

荆蠻野褐最清癡怕與高人話別離記得解携雙樹  
下風帆日短淚垂垂

贈墨生吳善

銅官山下白雲亭澗底長松長茯苓傳得潘生燒墨

法墨成持贈寫丹經

宿玄文館

玄館清虛五月秋  
疎簾珎簟看瀛洲  
窓前種得青桐樹  
時有鳳凰棲上頭

奉答范徵君雲林見懷

想見兩池春溜滿  
唯應閒院綠苔生  
落盡櫻桃杏花發  
輕舟歸去看春耕

三月五日為吳溥泉畫窠石平遠并詩

地僻林深無過客  
松門元自不曾關  
展將一幅溪藤

滑寫得溪陰數點山

為原道題畫

二月東風溪水綠  
幽林修竹影參差  
杖藜日日溪西路  
魚鳥相娛只自知

題張以中畫

密雪初晴僧舍深  
地爐活火酒時斟  
張家公子清狂甚  
冒冷看山意不禁

今日披圖感慨深  
與君對酒若為斟  
重居寺裏松杉合  
劫火兵灰已不禁

吳采鸞像

誰見文簫逐采鸞  
碧山蘿月五更寒  
猶遺寫韻軒中迹  
留得風流後世看

用陳子貞韻題畫

仙居乃在惠山東  
悟者方知色是空  
却坐西巖雙樹下  
玉笙雲裏度清風

舟過梁溪

蕩槳清溪欲盡頭  
亂山出沒暮雲稠  
便當濯足聊停棹  
何處飛來雙白鷗

宿義興先太初上人房

初公樓上雨蕭蕭  
楊柳垂烟隔岸搖  
何處舟人棹歌發  
山長水遠望蘭橈

層將軍祠隔水近  
岳鄂五廟亦東隣  
百年故事誰記憶  
風雨清明愁殺人

雪中折枇杷花寄吳寅夫

雪中自折枇杷花  
走寄城南處士家  
明日雪晴定相過  
兩株松下煮春茶

雪不止重寄

清夜焚香生遠心空齋對雪獸鳴琴數日雪消寒已  
過一壺花裏聽春禽

為吳處士畫喬林礪石

山家日出無行踪雪樹烟蘿遠且重不見鹿眠磐石  
上提壺自挂一長松

張外史素不善畫醉墨戲寫張洞竒石頗一種  
逸韻德明裝潢成卷走筆為賦

書畫不論工與拙顏公米帖豈圖傳君看外史寫竒  
石醉墨依稀似米顛

重送初上人叅禮光公二首

西崦欣逢初上人妙年藻思如春雲育王塔前禮佛  
竟應修白業益精勤

阿育王塔舍利存山氣無雪春冬溫蓮花臺近多羅  
樹中有人談未二門

對雨遣懷

數日枇杷花落盡可憐春事到櫻桃聽風聽雨眠三  
日排遣新愁付濁醪

寄友



二月江水青接天楊柳隔江搖綠烟一夜愁心似春  
雪隨風舞影落君前

次韻題高房山畫卷

屋邊昨夜春風起蔣芽荇葉生春水睡醒獨坐無人  
聲歷歷青山水光裏

題趙榮祿指痒馬圖次陳先生韻

韓幹真龍下筆肥銀鞍羅帕落青絲春風碧野和烟  
放誰見林間指痒時

竹枝詞

會稽楊廉夫邀余同賦西湖竹枝歌余嘗莫春登  
瀕湖諸山而眺覽見其浦溆泓洄雲氣出沒慨然  
有感於中欲托之音調以聲其悲歎久未能成章  
也因覩斯作為之心動言宣為詞凡八首皆道眼  
前不求工也

錢王墓田松栢稀岳王祠堂在湖西西泠橋邊草春  
綠飛來峯頭烏夜啼  
湖邊兒女十五餘烏紗約髮淺粧梳却怪爹娘作蠻  
語能唱新聲獸當爐

湖邊女兒紅粉粧不學羅敷春采桑學成飛燕春風  
舞嫁與燕山遊冶郎

心許嫁郎郎不歸不及江潮不失期踏盡白蓮根無  
藕打破蜘蛛網費絲

阿翁聞說國興亡記得錢王與岳王日暮狂風吹柳  
折滿湖烟雨綠茫茫

春愁如雪不能消又見清明賣柳條傷心玉照堂前  
月空照錢唐夜夜潮

嗚嗚歸雁度春江明月清波雁影雙化作斜行箏上

字長彈幽恨隔紗窓

辮髮女兒住湖邊能唱胡歌舞踏筵羅綺薰香回紇  
語白氎蒙頭如白烟

題雲林小景圖

赤城霞暎神芝秀洞裏桃花不記春何事却將山水  
脚鍾陵市上踏紅塵

後數年復用韻題

憶昔舟歸雪浦濱松林瑤草欲生春閒拈逸筆圖清  
思今日披圖似隔塵

題畫

青山矗矗水舒舒相見郊原霽雨初絕似三高亭上  
望人家依約樹扶疎

題棘禽筠石圖送高霞還玄元館

烟雨蕭蕭墨未乾幽禽枝上語春寒玄元館裏多筠  
石飯飽臨池自在看

寄德常別駕

長洲東去有僧居狂士來遊密雪初欲覓故人張別  
駕清貧猶苦出無車

慶爾作官清海濱海濤嶺雪白如銀已占麩麥明年  
喜漸有衣襦富昔民

廩食精豐養士多村童野老亦謳歌可無振厲新科  
格選試能平定不頗

題畫

樓閣參差霞綺開峯巒重複水縈迴赤欄橋外垂楊  
下步月吹笙向此來

題陳仲美畫次張貞居韻

杜老茅堂倚石根往來西讓與東屯一庭秋雨青苔

色自起鉤簾盡綠尊  
斜日西風吹鬢絲披圖弄翰學兒嬉釣竿拂着珊瑚  
樹張祐題詩我所師

連雨

三月雨聲連子月五湖舟楫住南湖  
春愁黯黯如中酒捲地狂風撼不蘇

吳中

望中烟草古長洲不見當時麋鹿遊  
滿目越來溪上水流將春夢過杭州

為寒原道題竹木園

踈篁古木都成老石澗莓苔亦有花  
排悶不須千日酒聊將小筆畫龍蛇

九日登華氏溪亭

茱萸黃菊稍斑斑野水蒼烟草莽間  
送客歸來逢九日華家亭上獸看山

寄曹都水

溪南山影碧叢叢水閣風林處處同  
周處廟前新漲濶數聲柔舫月明中

三月廿日題所寓屋壁

梓樹花開破屋東  
隣牆花信幾番風  
閉門睡起兼旬  
雨春事依依是夢中

隣牆桂花盛開

扶疎桂樹隔隣牆  
時有飛花到石床  
起近南簷看月色  
不須更炷水沉香

六月五日偶成

坐着青苔欲上衣  
一池春水靄餘暉  
荒村盡日無車馬  
時有殘雲伴鶴歸

題寂照蔣君遺像

幻形夢境是耶非  
縹緲風鬟雲霧衣  
一片松間秋色  
夜深惟有鶴來歸

梅花夜月耿冰魂  
江竹秋風洒淚痕  
天外飛鸞惟見影  
忍教埋玉在荒村

君姓蔣氏諱圓明字寂照暨陽人也年二十一歸  
於我勤儉睦雍鄉里稱其孝敬歲癸巳奉姑挈家  
避地江渚又一年不事膏沐游心恬淡時年四十  
有七矣如是者十一年癸卯九月十五日微示疾

詩卷六  
十八日清晨儵然而逝甲辰正月廿四日題

正月廿六日漫題

泖雲汀樹晚離離飲罷人歸野渡遲睡起香銷金鵲  
尾獸聽疎雨打窓時

二月十五日雨作

風軒紅杏散餘霞堤草青青桃欲花寒食清明看又  
近滿川烟雨亂鳴蛙

雅宜山詩

雅宜山舊名娜如山蓋虞道園所命名然未若娜

如之名近古也施君宜之先隴在其處索余賦詩

因為竹枝歌一首遺之以復其舊焉

娜如山頭松柏青闔閭城外短長亭來山未久入城  
去駐馬回看雲錦屏

娜如山頭日欲西採香迳裏竹雞啼南朝千古繁華  
地麋鹿蒿萊望眼迷

送徐仲清還毘陵

昔年守義抗天兵季子遺風尚足徵牧守荒淫嗟未  
代荒墟榛棘竟誰懲

有道楊公此駐車遺言百世感能祛道鄉忠義埋黃  
壤牛斗龍光尚曄如

六月十一吉祥庵題

僧夏安居我息機清風日為掃柴扉身形已似松梢  
鶴還有悲歌續令威

二日又題

隨宜喧寂了殘生飯飽悠悠曳履行日落吳松半江  
影莫將欣厭惱閒情

十三日雨窓排悶

俗患不侵忍辱鎧道力可勝紛華兵明月無心含萬  
象浮雲初不污圓澄

雨聲蕭瑟似秋塘淡泊紅蕖滿意香火宅任渠生熟  
惱汪汪法海自清涼

十六日雨晴

道畊豈患粥材罄德獵何憂肉食無厝事甘飡希厚  
味曲肱飲水色敷腴

七月二十八日過丘氏林居秋風騷騷然至暮  
大作終夜不息因成小詩

西風楊柳暮騷騷零落江雲起怒濤坐看荷花都落  
盡倚窓孤咏楚天高

松陵一首

松陵原上望長洲綠玉平鋪江水流好取釀為千日  
酒大瓢酌月散煩憂

二月六日南園四首

雨裏櫻桃兩樹開北風吹盡臘前梅荒筠隅隩無多  
柳細草汀洲併是苔

正月已闌烟雨寒泊舟東渚聽風湍山長水遠鳥飛

急不是離人也鼻酸

春月寒逾臘月寒盲風怪雨泊江干天工自不為人  
料一種春光有幾般

有子政如無子同異居邈若馬牛風人間何物為真  
實身世悠悠泡影中

秋容軒

乍見芙蓉開滿樹更憐楊柳綠含風秋容好處無人  
會都在溟濛烟雨中

碧花翠蔓引牽牛叢竹黃葵意更幽不用田疇三日



雨已輸穠稔十分秋  
靈壁歌危四五峯  
枇杷細弱未成叢  
槿籬西面雲千  
畝牛背時聞一笛風  
村泯報本妙蓮華  
供佛燒香汲井花  
獸有橋東白石  
叟依然傾酒食蝦蟇

松雪馬圖為原道題

渥洼龍種思翩翩  
來自元貞大德年  
今日鷗波遺墨  
在展圖題咏一悽然

題墨萱

落盡幽花出一枝  
凌兒男草近清池  
水仙唯數彞齊  
趙夏卉芳研爾更奇

二月十九日夜風雨淒然南渚旅寓篝燈與端  
叔共坐因念兵戈滿地深動故山之思遂賦

春雨春風滿眼花  
夢中千里客還家  
白鷗飛去江波  
綠誰採西園穀雨茶

題曹雲西畫

吳松江水碧於藍  
怪石喬柯在渚南  
鼓柁長吟採蘋  
去新晴風日更清酣

言卷六  
八  
鷺次韻題

泛雪翻雲未足佳  
棲萍唼荇戲江沙  
舉羣此日籠歸去  
識得能書內史家

草青莎軟暮烟和  
點綴春江愛白鷺  
不似貪饕誇厭飫  
萬錢日食未嫌多

真迹黃庭世所珍  
當時聊復送鷺羣  
寧知雪後攻城者  
使亂軍聲用進軍

雜賦絕句

恢公妙得華光法  
月影縱橫白尚玄  
留取禪門三昧

法松滋楮穎過年年

空江水冷珮珊珊  
去國千年始一還  
身似吹笙王子

晉夜騎白鶴過緱山

一色清江四面同  
樓居如在畫圖中  
主人欲刻皆山

記須得環滁老醉翁

曾傍江流築釣磯  
朱門華屋事都非  
身如王謝堂前

燕歲歲猶過白板扉

痛飲酣歌未是狂  
有岐何處覓亡羊  
芹羹朮煎茅君酒  
更醉人間一萬場

詩卷六  
贈通上人

惠遠深心白蓮社  
湯休麗句碧雲篇  
懺摩不懈香燈  
供般若仍通文字禪  
雨後春池芹細細  
月明寒渚竹娟娟  
東林門外聞鐘  
返只有陶公妙入玄

題畫竹

本朝畫竹高趙李  
慙愧後來無寸長  
下筆能形蕭散  
趣要須留次有篔簹

題李光祿墨竹

雲氣脩脩青鳳翎  
湘江鼓瑟倩湘靈  
壁張此畫驚竒  
絕醉倒茅君雙玉瓶

題宋仲溫竹枝

畫竹清修數宋君  
春風春雨洗黃塵  
小窓夜月留清  
影想見虛心不俗人

答陳謝二叅軍王長史

世故紛紛自糾纏  
南山修竹老風烟  
陳公懷抱政如  
此清影蕭蕭月滿川  
謝公好義今猶初  
不可親褻不能踈  
松陵父老猶德

爾援若功多自不居  
經年不見王內史秋夜有懷如此何澄不為清撓不  
濁汪汪萬頃玉湖波  
蕭蕭短髮不須冠何處繫舟雲水寬西塞山前夕陽  
裏芙蓉青墮水精盤  
百年苦樂孰深知何可旬月無我詩從渠推罵與爭  
席不廢鷓鴣巢一枝

題畫與強仲端

日暮移舟何處泊強家亭子水西頭惠山只在細簾

外雨後幽泉想亂流

題靈巖寺壁

我到靈巖古寺中雲烟樓閣鬱重重今朝醉倒山前  
石留取綸巾挂偃松

船中

野水荒寒寂寞濱萋萋芳草也知春五湖雲浪浮天  
白好遣輕鷗狎隱淪

題墨竹

燈下蕭蕭玉一枝吳松欲雪暮寒時憑君為把青鸞

尾大掃陰雲息怨咨

為德常寫竹枝

張公宅裏挑燈話對影依依夢寐同坐到夜深喧境  
寒庭前踈竹起秋風

拜石圖為王文靜題

米顛嗜古命宜輕玄寶厓珎禍患并盥沐閱書私太  
尉可伶諂佞小人情

清文絕俗盛名譽不記坡翁獎拔初得筆無如蔡元  
度却言蘇軾劣於書

畫竹與張元實

髯翁中歲得麟兒漆點雙瞳玉作頤可惜空齋無楮  
穎為拈秃筆掃風枝

寄張德常

聞道淮安之任去尊君今住叔兮家來城又鼓吳松  
柁好過苔磯弄釣車

吳仲圭山水

道人家住梅花村窓下松醪滿石尊醉後揮毫寫山  
色嵐霏雲氣淡無痕

題畫贈崔子文

性癖居幽每起遲  
一來溪口意淒迷  
林亭曉色蒼茫裏  
日送風帆過水西

睡起

睡起晴雲滿澗阿  
牛羊日夕下南坡  
浮生富貴真無用  
政似紛紛蟻一柯

戲贈大雲

不問羊車與鹿車  
無三無二一乘耶  
何勞贊歎并言說  
心悟方能轉法華

題畫竹

嫋嫋風枝墨未乾  
美人湘水逐笙鸞  
恍然一枕遊仙夢  
清影縱橫山月寒

王叔明畫

筆精墨妙王右軍  
澄懷卧遊宗少文  
王侯筆力能扛鼎  
五百年來無此君

因廬山甫便寄曹德

使者停車溪水西  
借栽綠竹儼幽棲  
玉川野客尋津去  
悵望孤帆意轉迷

李伯時畫

飛仙遊騎龍眠畫貌得形模也自竒句曲真人親鑒  
定不須言下更題詩

畫竹

蟠虬舞鳳寒雲冷挾以明蟾光炯炯世人只解說洋  
州小坡筆力能扛鼎

商學士畫次張外史韻

獸棹扁舟引興長疎林遠岫見微茫商侯畫筆張仙  
句可比豐城寶劍光

贈金嬾翁製瓜篋

聞君有漏與無漏木杓瓜篋都一般欲覓嬾翁安樂  
法無生話子說團樂

環綠軒

環綠軒中古逸民瑟琴圖史硯為隣欲知此地多生  
意試看窓前草色新

題畫贈原道

雪後園林梅已花西風吹起雁行斜溪山寂寂無人  
迹好問林逋處士家

與錢伯行宿棲雲堂

小龍江上棲雲室望見石湖湖盡山來與錢翁住三日白雲妍暝滿中間

人我二首

人以秋毫軒輕我我心澹然如碧澗何期失脚墮塵網談笑區中飽世緣

醉中了了夢中醒好語狂言不用聽莫起黑風飄鬼國長教明月照中庭

為仲章寫竹石

沈君好古嗜尤淡竒石幽篁心所欣為寫雲林齋下景月明春露濕衣巾

次張師道韻

我愛張君真樂易樵談農語接懽欣每思靈石山前住六天藤床一幅巾

題畫

南望銅官曉色新三株松下一茅亭何當濯足臨前澗坐石閒書相鶴經

坦腹江亭枕束書澄清江水自空虛修篁古木悠悠



思何處青山可卜居

怪石足當米老拜修竹定是王猷栽磊落瓊瑰雨洗  
出團樂清影月移來

怪石雨餘苔蘚滋月明鸞尾影參差春風忽過庭前  
樹會見清陰覆墨池

柯丹丘梅竹

竹裏梅花淡泊香映空流水斷人腸春風夜月無踪  
迹化鶴誰教返故鄉

用潘子素韻題柯敬仲墨竹

古木幽篁春淡淡斜風細雨石蒼蒼何人識得黃花  
老弄翰同歸粉墨囊

吳松江水似荆溪只欠山光落酒卮古木幽篁無限  
思西風吹鬢影絲絲

題畫

琅玕節下起秋風寒葉蕭蕭烟雨中贈子仙壇翠鸞  
帚杏林春掃落花紅

逸筆縱橫意到成燒香弄翰了餘生窓前竹樹依苔  
石寒雨蕭條待晚晴

野店枯槎何處園干花羞澁不成妍竹枝嫋嫋春石  
惡卧看歸鴻水拍天

落落長松生夏寒莓苔樗散共盤桓王謝家庭多玉  
樹依然猶是晉衣冠

雨後池塘竹色新釣簾翠霧濕衣巾為君寫出團樂  
影喜比他鄉見似人

斑斑石上蘚紋新陰落先生烏角巾只得兩枝初雨  
後可憐清興屬幽人

為寫新稍十丈長空庭落月影蒼蒼王君曾次冰霜

凜剪燭談詩夜未央

舟過松陵甫里邊幽篁古木尚蒼然何人得似王徵  
士靜看輕鷗渚際眠

逢着鄉人朱伯亮朱絃披拂共南薰研池雨過添新  
漲特為濡豪寫墨君

右臨青嶂左澄江未覺羲皇遠北窓安得茅君酒斟  
酌幽人許致玉瓶雙

喬木叢篁倚苔石故家遺業摠成灰二喬憶嫁周公  
瑾尚有枝孫氣不衰

寄陸鍊師

忽憶南湖陸鍊師若為湖上住多時明朝擬望仙帆  
至好買松鱸作膾絲

寄張處士

江邊楊柳綠絲烟影落清波萬里天處士時時驚曉  
夢門前推鼓發鹽船

題幽篁古木圖為文靜徵君賦

環慶堂前翠竹多雨苔侵石樹交柯不遊菴畫溪頭  
路奈此春宵月色何

題李遵道枯木竹石

我識黃巖李使君墨池詞氣靄如雲莫言但得丹青  
譽曾有人書白練裙

寄人

無室無家老更顛草衣木食度年年開春若問桃花  
宿先到俞君舊宅前

題畫竹贈西溪處士

雪葉霜枝耐歲寒  
擲風沐雨不成歡  
百年強健且行樂  
留取清溪作釣竿

贈曹德昭

谷口桐林落絳霞  
仙旻初泊野人家  
蕭閒館裏青苔合  
看到堦前芍藥花

題畫贈單君

單君子達荆溪住  
不到荆溪已十秋  
古木幽篁苔石路  
每經行處思悠悠

贈沈掾

蕭蕭白髮沈休文  
問舍求田江水濱  
此夕一杯成酩酊  
淋漓醉墨氣如雲

寄王簿

客愁醉似未招魂  
老去情懷孰與論  
詩寄句容王主簿  
憶從白璧達天門

太白嘗從金陵沂  
流過白璧山  
翫月達天門  
賦詩寄句容王主簿

順逆

順逆推移莫愛嗔  
白雲終不染緇塵  
世情如火心如水  
屋裏須教有主人

次韻題黃子久畫

白鷗飛處碧山明  
思入雲松第幾層  
能畫大痴黃老子  
與人無愛亦無憎

烟鶴軒二首

烟鶴軒前枕石眠  
一聲清唳落江烟  
攬衣起望行雲急  
遠思憑虛忽欲仙

楓落吳江雲雨空  
曳然鳴鶴紫烟中  
坐看雪影橫江去  
明滅寒流夕照紅

林宗道新闢小軒  
南望平蕪烟樹眇  
然有千里之意  
因名之曰烟鶴  
蓋取韋刺史遠水烟鶴唳詩語

為賦二小詩著軒中

贈張德常

老疾吟哦張判官  
僦居江海覺心寬  
好乘黃鵠風埃表  
萬里雲霄一羽翰  
齷齪疲駑飲齧餘  
鞭笞喘汗駕鹽車  
麒麟已老終超逸  
不受金羈去玉除

客舍詠牽牛花

小盤承露淨鉛華  
玉露依稀染碧霞  
弱質幽姿娛我老  
傍人離落蔓秋花

調玄度

江渚荷花落日紅  
畫簷欄檻納涼風  
何人得似張公子  
詩在烟波眺望中

清明後題

野棠花落又清明  
楊柳青青人耦耕  
春物闌珊成底事  
半江踈雨暮潮平

再用前韻呈錢思復

目斷青山白鳥明  
姑蘇城下有人耕  
越來溪水流遺恨  
嗚咽聲中似不平

再用韻

春泥滑滑暮霞明  
苔滿石田那可耕  
眼底紛拏詩可遣  
甬中萃律酒能平

鶴盈軒西芍藥欲紅矣  
戲成絕句奉呈雪林隱君求折二枝

堦前紅藥無人摘  
彩翠籠烟溪水南  
為折一枝和瑞露  
小窓卮酒咏春酣

聞鶉鴉

林影曨曨鶉鴉聲  
歐陽詩句最關情  
畫簷宮燭朝儀

早款枕船窓憶太平

四月七日雨

水宿風行冬復春汀花汀草思紛紛泊舟無賴終宵  
雨夢入蒼梧萬里雲

追和蘇文忠墨蹟卷中詩韻

脉脉遠山螺翠橫盈盈秋水眼波明西北風帆江路  
永片雲不度若為情

雨挾江潮來浦口霜凋木葉見山尖寒波曾照飛鴻  
影雪朝朝與恨添

風雨翻江夢裏驚忽思風馭絳霄翎世間那得麻姑  
爪痒處爬搔憶蔡經

湖邊窓戶倚青紅此日應非舊日同太守與賓行樂  
地斷碑荒蘚卧秋風

奎章閣下掌經綸清淺蓬萊又幾春三十六宮秋寐  
寐金盤冷露泣仙人

蔡公閩嶠雙龍壁蘇子儋州萬里船何似歸田虞閣  
老醉吟清浦月娟娟

嗜酒狂吟秃鬢翁華陽壇館百花風晚年傳得登真

言卷七  
訣歸卧南山澗谷中

窓裏晚山眉翠重汀前秋水眼波明白鷗飛處循歸路眇眇新愁故國情

別陸氏女

去住情悰兩可哀天公與我已安排前途恐有寬閑地未信狂夫事事乖

題畫

海鷗何事更相疑野老如今久息機旅泊一篷南渚上雲濤烟樹影依微

六月九日過以中野亭賦

豆苗引蔓已過簷荇葉團團菱葉尖野亭中間坐至晚窓前竹影月纖纖

雨後

雨後空林生白烟山中處處有流泉因尋陸羽幽棲處獸聽鐘聲思惘然

題畫贈王允同

湛湛綠波春雨裏娟娟翠竹曉風前此中著得玄真子一棹夷猶獨醉眠



言卷六  
桐露軒前月滿窓竹聲樹影落春江青苔石逕無人  
跡坐待歸來白鶴雙

江上

石侵春雨林間蘚竹帶沙汀日暮烟江上清陰隨月  
落船頭白鳥傍人眠

二王遊騎圖

每憶開元全盛時王王遊騎日追隨鶴鴿原上雙兄  
弟挾彈荒郊想鳳池

謝筆

陶泓思渴待陳玄對楮先生意未宣何似中書二君  
至明窓脫帽一欣然

聞竹枝歌因效其聲

鈿山湖影接松江橘葉青青柿葉黃要寫新詩寄音  
信西風斷雁不成行

江流不住楚山青船到潯陽幾日程不忍寄將雙淚  
去門前潮落又潮生

高尚書畫竹

石室風流繼老蘇黃華父子亦敷腴吳興筆法鍾山

言卷六  
三十四  
喬只有高髯不讓渠

看花仕女圖

畫圖常識春風面雲霧衣裳楚楚裁為問人間春幾  
許石欄西畔牡丹開

剖瓜士女圖

月彎削破翠團團六月人間風露寒誰覓東陵故侯  
去但知華屋薦金盤

王都事家聽周子奇吹笙

隔水吹笙引鳳鳴十三聲外柳風清風流自有王子

晉留取清樽吸月明

趙魏公蘭

天上宣和落墨花彝齋松雪擅名家遙看茗雪山如  
玉雪後春風自茁芽

管夫人畫竹

夫人香骨為黃土紙上蕭蕭墨色新悽斷鷗波亭子  
上鏡臺鸞影暗凝塵

樹石小景

嘉樹幽篁澗石隈當年曾此好懷開如今寂寞空山

裏誰復緘情折野梅

墨梅

幽蘭芳蕙相伯仲江梅山礬難弟兄室裏上人初定  
起靜看明月寫敷榮

題雜畫

白雲孤鶴莫知還船泊錢塘看越山珍重今朝重展  
卷吟詩作賦北窓閒

新柳春柯未著雅短籬茅屋野僧家放舟不怕歸來  
晚白水田畦已有蛙

小坡曾寫雞棲石猶在荆溪山寺中幾欲規摹渾忘  
却可憐零落墜秋風

松瀑飛流到枕邊道人清坐不須弦王君筆力能扛  
鼎用意何曾讓鄭虔

庭樹霜黃尚有陰午窓危坐自鳴琴問誰得似沈夫  
子北牖羲皇見此心

題畫

荷葉田田柳弄陰菰蒲短短逕苔深鳥飛魚躍皆天  
趣靜裏游觀一賞心

言卷之  
一  
一代舒王不數人曾哦雪竹與霜筠  
雲林野思生幽  
夢睡起濡豪一寫真

寄人

楊柳春風未放黃晴天孤雁不成行  
忽思小謝生幽  
夢芳草池塘路亦荒

懷呂君

三年不見呂高士清夜時時夢見之  
安得長風生羽  
戩與君濯髮向咸池

寄人

秋光明可截开刀一隼橫空厲羽毛  
猶憶南汀縈手  
處斷雲殘日下亭臯

烟雨

烟雨空濛遠樹齊人家樹底自成蹊  
只應三月吳松  
尾渚際維舟聽竹雞

仲穆馬圖

花門舊進青驄馬天水王孫貌得真  
溪上猶遺光祿  
宅海寧何以久風塵

墨水仙

宋諸王孫釋大雲清詩多為雪精神誰言一點金壺  
墨解寄湘江萬里春

絕句

要識清虛甘寂寞何如快活地中仙千巖萬壑松窓  
裏爛醉吟哦石上眠  
睡起晴雲滿澗阿牛羊向夕下平坡浮雲富貴真何  
用政似紛紛蟻一柯

十月

十月江南未墮霜青楓欲赤碧梧黃停橈坐對西山

晚新鴈題書已著行

贈玄容

枯柳疎條棲鳥稀歸人稚子候簷扉政如十月江南  
岸落日西山翠影微

松澗圖

青松澗底結淒陰老大還無用世心張洞西邊煮藥  
竈山靈虛閉白雲深

寄友生

周君讀書離墨山山中卧看白雲閒翻然遂逐雲歸

去松下草堂深閉關

題陳惟允畫

韓公曾聽穎師琴山水蕭條太古音不作王門操瑟  
立溪山高隱竟何心

春雨

春雨蕭條獸掩扉庭柯逕篠綠依依莫思南渚停舟  
處烟柳垂陰滿釣磯

寄王叔明

野飯魚羹何處無不將身作係官奴陶朱范蠡逃名

姓那似烟波一釣徒

寄韓伯清

何處田廬業可租金堂玉室夢全無為謀蔬藥樵漁  
地好在何山碧落湖

題趙承旨墨竹用張外史韻

籊籊生綃寫竹竿愁看春雨滿空壇風派誰識當時  
意萬里鷗波烟景寒

晚照軒偶題

南湖春水碧於天夢作沙鷗狎釣船綠樹拂簷風雨

急覺來依舊北窓眠  
簷前幽鳥自相呼  
池上紅蕖映綠蒲  
五月夜涼如八月  
一窓風雨夢南湖

醉後贈張德機

允同日夕能求畫  
靳酒藏茶更惜香  
獸有館中張博士  
誇余美翰不尋常

博士今宵不用誇  
竹枝嫋嫋赴風斜  
莫煩更把官奴燭  
且與狂吟野老家

西家飲酒不盡歡  
東家燈下坐團樂  
我儂自有一壺

酒不怕先生酒量寬

空折花枝插滿盆  
清吟清坐想盤飧  
主人欲勸松肪釀  
謾道糟床尚苦渾

誰醒宜城竹葉春  
竹枝空畫損精神  
詩成不壓乾喉吻  
誰道傷多酒入唇

贈僧

清流堂上無塵事  
竒石修篁映梵書  
長日粥魚齋鼓罷  
竹窓虛寂坐如如

題張元播扇

聽雨樓中也自涼閒停筆硯靜焚香君來為煮稽山茗自洗冰甌仔細嘗

題畫

湖水清空好放船青山依約白鷗邊忽思周處祠前路古木荒烟一惘然

畫竹贈申彥學

吳松江水似清湘烟雨孤篷道路長寫出無聲斷腸句鷓鴣啼處竹蒼蒼

阿儂渡江畏風波聽渠聲唱竹枝歌淇園青青淇水

綠不似瀟湘烟雨多

青山

夕陽渡口見青山誰識其中有此閒我本為樵北山北賣薪持斧到人間

原上人

上人住近西山麓左右泉聲喬木深拄杖逍遙扣門去臨池濡墨寫春陰

題木石贈丘志

古木幽篁丘氏宅

落日妙蓮庄泊舟風雨留三



月卧看鳧鷖十里塘

贈伯清

市上休疑張伯清藥無  
谷與我松根採茯苓

價制顏齡何當掃雪居幽

題畫

長江秋色渺無邊鴻鴈來時水拍天七十二灣明月  
夜荻花楓葉覆漁船

偶成

紫燕低飛不動塵黃鸝嬌小未勝春東風綠遍門前

草暮雨寒烟愁殺人

荆溪秋色圖為卜震亨題

罨畫溪頭秋水明上人逸筆思縱橫雲山多少玄暉  
句不道毫端畫得成

為潘仁仲寫梧竹草亭

翠竹蕭蕭倚碧梧一亭聊以賦閒居浮杯樂飲思潘  
岳藻思春江濯錦如

羔羊一首

羔羊跪乳猶有別林鳥返哺能無違彼哉微物具至

理感爾太息淚沾巾

已酉元日題徐氏南園壁

九日塵污一日清南園池水濯冠纓  
早早燕雀難喻  
大自展培風九萬程

六日題

寄居丘氏小偷閒盡室逃  
三夜向闌縣吏捉人空里  
巷挈家如出鬼門關

韋羗草堂圖

韋羗山中草堂靜白日讀書還  
打眠買船欲歸不可

去飛鴻渺渺碧雲邊

題彥貞屋壁

王子五月廿七日呂君隱所  
余又來輕舟短棹向何  
處只傍清波不染埃

絕句

枕幃椰席使安舒借我飛裙  
意有餘更借裙拖三百  
日高秋還子有佳書

題畫次韻

羲獻才情似水清暑窓葵扇  
與桃笙中州父子黃華

老信是前賢畏後生

中州人物歎黃華父子詩畫逸出羶裘之表為可  
尚也觀澹游此卷筆意蕭然有蔡天啓風派蓋高  
尚書之所祖述而能冰寒於水者與卷後有歐陽  
承旨所賦詩不揆因次第其韻丙午六月晦日  
偶寓姚城江上村水如蛟舞石如鼃清風明月許元  
度為余傾倒綠波軒

後二十三年為戊申歲元度張君得此持以示僕  
披卷如夢寐間也因援筆次外史詩韻詩已為之

泫然外史已仙去張榮祿鑑禪師不見數十年存  
亡不能知尤令人悽斷也九月十一日題

正月八日宿禪悅僧舍題趙榮祿馬圖

小僧院裏無塵事夜雨燈前興不孤寥寥說竟無生  
話更覽王孫駿馬圖

畫贈王生

白沙岸下幽人宅翠竹林中賣酒家好事江干王處  
士客來為黍酒仍賒

題畫

笠澤依稀雪意寒澄懷軒裏酒杯乾  
篝燈染筆三更後遠岫疎林亦耐看

題畫贈盧山甫

盧君絕似米顛子品畫評詩也  
自佳我畫亦憎肩汗汚手為裝緝挂高齋

白石先生古貌古心輕財而重義  
寔生於吾後之師令人寤寐不能忘  
但幽居默如潛逃則殊令人憤憤耳  
昨暮辱醉中詞翰讀之洒然也因次韻  
希一笑

深感分嘗酒數罌醋雞聞勝駝蹄羹  
轟轟烈烈男兒事莫使磨拖過此生

空宇寥寥秋燕巢咲談誰與共遊遨  
南隣雖有幽貞士默默深潛如避逃

柯丹丘梅竹

山川搖落夜漫漫老木幽篁巧耐寒  
畫裏陳侯有佳句皎如明月映琅玕

絕句

七月三日快哉風野亭不厭酒杯空  
况有尊前沈腰

瘦何妨醉倒田家翁

密雪時晴照日初東窓竹影寫扶疎也知江渚張高士衲被敦敦偃仰餘

七月九日一杯酒吾友王君將遠遊况有呂家張處士逍遙江渚狎輕鷗

題畫

絕憶丹陽蔡天啓秋深淡墨意縱橫陳君筆力能扛鼎可見前賢畏後生

松雪馬圖

舊寫天間八尺龍鷗波濡墨水晶宮紛紛世俗爭模倣兒子門生亦秃翁

贈潘仁仲

良相良醫意活人得仁要亦在求仁能調脾肺心肝腎不出酸醎甘苦辛

題畫竹

三家市上沽村酒亥夜明燈初自百官奴把燭我所無幽篁亂寫非風柳

倪雲林先生詩集附錄

雜著

鶴溪先生畫像贊

家庭教子佩學詩學禮之言巖穴置身有憂國憂民之色是知克仁而壽能文而德也

趙士瞻小像贊

處乎寂寞之濱乃有悅豫之色將儒於列仙癯於山澤我知之矣豈登山臨水以忘歸貧賤不足為其憂富貴不足為其懌者非耶

陳天倪處士畫像贊

其介特孤峭非松瀑之錫而能然歟其好學能文蓋嘗從遊於草廬棲遲衡門之下鼓瑟動操之間令衆山響與之俱童冠風雩以間咏逮乎暮春之初

王季野畫像贊

粹然春溫者猶有若翁素履之德容也凜乎秋清者得乎湘纍楚騷之遺風也與時上下人莫知其所存乎中也匪以吾義吾將曷從也喬木鶯鳴雲山鶴飛輕薄紛紛吾何是非登山臨水聊消搖以忘歸

良常張先生畫像贊

誦詩讀書佩先師之格言登山臨水得曠士之樂全非仕非隱其幾其天雲不雨而常潤玉雖工而匪鑄其據於儒依於老迹於禪者歟

錢唐王生思善畫德常時年四十二矣東海倪生贊之曰云云德常高情虛夷意度閒雅顧非顧長康之丘壑置身曹將軍之凌烟潤色又那緣得其氣韻耶王生蓋亦見其善者幾耳今日因過德常草堂出此圖求贊且欲作樹石其旁乃先綴數語

像上樹石俟它日補為之

謝仲野詩序

詩已而為騷至漢為五言吟咏得性情之正者其惟  
淵明乎韋柳冲淡蕭散皆得陶之旨趣下此則王摩  
詰矣何則富麗窮苦之詞易工幽深閒遠之語難造  
至若李杜韓蘇固已恒赤焜煌出入今古踰前而絕  
後校其情性有正始之遺風則間然矣延陵謝君仲  
野居亂世而有怡愉之色隱居教授以樂其志家無  
瓶粟歌詩不為愁苦無聊之言染翰吐詞必以陶常  
為准則已酉春携所賦詩百首示余於空谷無足音  
之地余為諷咏永日飯瓦釜之粥麩曝茅簷之初日  
怡然不知有甲兵之塵形骸之累也余疑仲野為有  
道者非歟其得於義熙者多矣

陳惟寅儼屋疏

陳惟寅甫與弟惟允間居養親棲隱吳市不恥貧賤  
不樂仕進熙怡恬淡與物無忤雖過朱門如遊蓬戶  
也世本蜀人其大父居五老峰下父天倪先生因遊  
吳慶錫麓洞有好流水家於惠山之陽久之有少曰



同舍生趙從事招往館于其家遂復留吳市馬兵後  
栖棲無定居江右同邑人饒介之為之僦屋使得以  
安菽水之奉而僦屋之資則非一人所辦饒君素清  
苦又不欲以外事累人也僕遂為之一言世豈無急  
人之急憂人之憂解衣推食指廩借宅豪傑侗儻如  
古之人者哉老杜所謂安得大廈千萬間庇天下  
寒士俱歡顏者請為諸君誦之至正壬寅十二月九  
日倪瓚言

題良常草堂疏

捐捨趙榮祿正書一卷

昔王錄事寄少陵之資近代趙文敏干岳氏之助皆  
有實效不事虛文今德常欲構草堂所求者柯張杜  
三君或宿諾而寒盟或解嘲以調笑遄求其實則罔  
所知數年之間三君已矣草堂適成載覽標題重增  
嗟悼捐予珍秘永鎮新居

題畫

至正辛丑十二月廿四日德常明公自吳城將還嘉  
定道出甫里檣柁相就語俯仰十霜恍若隔世為留  
信宿夜闌更秉燭相對如夢寐者甚似為僕發也

明日微雪作寒戶無來迹獨與明公逍遙渚際隔江  
遙望天平靈巖諸山在荒烟遠靄中濃纖出沒依約  
如畫渚上疎林枯柳似我容髮蕭蕭可憐生不能滿  
百其所以異於草木者猶情好耳年逾五十日覺死  
生忙能不為之撫舊事而縱遠情乎明公復命畫江  
濱寂寞之意并書相與乖離感慨之情悰 德常今  
為嘉定同知於民有惠政即昔日之良常山人也朱  
陽館主蕭閒仙鄉倪瓚言

懶遊窩記

昔司馬子長遊涉萬里壯麗竒偉之觀前賢往聖之  
迹有以泄其懷古感今憤懣鬱律之氣史記之書既  
成藏之名山以俟後聖君子也宗少文壯歲好遊晚  
以所歷名山畫畫屋壁曰老疾俱至名山恐難徧觀  
唯澄懷觀道卧以遊之子長雄竒之文少文神妙之  
畫善而猶有待又烏覩神馬車輪與造物遊鴻濛之  
外者哉若夫登化人之居遊華胥之國是皆神遇豈  
復有待乎金君安素高卧林居慕楊許得尸解上道  
乃怡神葆和內視密盼煥標霞之孤映朗性月之猷

照因名其齋居懶遊馬噫尸居而龍見不出戶知天下善行無轍迹蓋神遊無方非拘拘局於區域逐逐困於車塵馬足之間安素仙仙乎道矣王方平嘗與麻姑言比不來人間五百年蓬萊作清淺滄海中行復揚塵耳熟邯鄲之黃梁歸華表之白鶴人間紛紛如絮時一飛神遊盼吾固知安素不與悠悠世人同一悲慨也

書畫竹

以中每愛余畫竹余之竹聊以寫胸中逸氣耳豈復較其似與非葉之繁與疎枝之斜與直或或塗抹久之它人視以為麻為蘆僕亦不能強辨為竹真沒奈覽者何但不知以中視為何物耳

跋環慶王氏所藏趙榮祿六帖

右趙榮祿與覺軒先生手簡共六紙有以知交誼之深家世之舊也先生學行純正為宋琅琊王仲寶之後仕至蘭谿州判官今獲觀於其孫光大之彝齋老成典刑不可復見矣尚賴翰墨文章有以想其風流哉庚子二月十日倪瓚題

忠靖王廟迎享送神詩有序

至順元年春吳楚荐饑天灾流行連數郡道殣相望  
沴氣薰襲為瘥為札錫之民咸被漸染大小惴惴無  
所請命邦之遺老相與言吾邦西山之陽有嶽祠祠  
有明神焉曰忠靖王胙爵東平生能奮忠死有遺烈  
赫聲耀靈福我錫民自有年矣在昔季宋大疫用禱  
於神變沴為祥德載歌咏民病亟矣宜從故事乃合  
羣謀籲衆感卒從祠下鐃鼓鏜鉉旗纛晡霽導駢駕  
以臨城南香雲漲空耄稚奔走衆心推誠祈祀惟謹

惟神顧歆來格來享若沐神水若濯冷風毆攘妖氛  
民疾用瘳丕燁神化無遠弗暨隣邑之民祈者踵接  
環甸吳四封所活幾萬人焉是神有大造於吾民也  
禮神能禦大菑捍大患者則祀之矧威烈若此是宜  
尸祝而社稷之舊祠煨于火未幾民更興復其制瓚  
嘗以母病致禱立愈因作迎享送神辭二章刻諸山  
阿俾錫以祀之辭曰

靈皇皇兮岱宗神之來兮駕蜚龍赫蒼顏兮朱髮如  
火紛羽衛兮岳祗嶻嶭青霓旂兮白容裳降大荒兮

不祥毆野仲兮逐游光惠我民兮神樂康羅帳兮  
雲幄湛寒泉兮瑟蘭夕舞偃蹇兮歛參差薦芳馨兮  
神亨之靈娛娛兮奈何樹紫檀兮山之阿匪斯兮  
福斯土沐神休兮千萬古

神之去兮驂雲螭風剡兮吹靈旗况臨風兮延佇悵  
神游兮難駐神游兮翩翩撫一氣兮周八埏朝騰駕  
兮西神夕弭節兮東魯噫神往兮莫我顧民有籲兮  
載福斯祐折瓊花兮遲神歸歲復歲兮神寧我違石  
爰爰兮流水壽我民兮報祀無已

樂府

清平樂在荆溪作

汀烟溪樹揔是傷心處望斷溪流東北注夢逐孤雲  
歸去山花野鳥初春漁郎樵叟南津誰識摧頽老子  
醉人推罵從嗔

凭欄人贈吳國良

客有吳郎吹洞簫明月沉江春霧曉湘靈不可招水  
雲中環珮搖

人月圓

傷心莫問前朝事重上越王臺鷓鴣啼處東風草綠  
殘照花開悵然孤嘯青山故國喬木蒼苔當時明月  
依依素影何處飛來

又

驚回一枕當年夢漁唱起南津畫屏雲嶂池塘春草  
無限消魂舊家應在梧桐覆井楊柳蔽門闌身空老  
孤蓬聽雨燈火江村

太常引傷逝

門前楊柳密藏雅春事到桐華敲火試新茶想月珮

雲衣故家苔生兩館塵凝錦瑟寂寞聽鳴蛙芳草際  
天涯蝶翅春暉夢華

殿前歡

搵啼紅杏花消息雨聲中十年一覺揚州夢春水如  
空鴈波寒寫去踪離愁重南浦行雲送冰弦玉柱彈  
怨東風

水仙子

東風花外小紅樓南浦山橫眉黛愁春寒不管花枝  
瘦無情水自流簷間燕語嬌柔驚回幽夢難尋舊遊

落日簾鈞

吹簫聲斷更登樓  
獨自凭欄歎自愁  
斜陽綠慘紅消  
瘦  
長江日際流  
百般嬌千種溫柔  
金縷曲新聲低按  
碧油車名園共遊  
絳綃裙羅襪如鈞

折桂令擬張鳴善

草茫茫秦漢陵闌  
世代興亡却更似  
月影圓缺山人  
家堆按圖書當窓  
松桂滿地薇蕨侯門  
深何須刺謁  
白雲自可怡悅到  
如今世事難說  
天地間不見一箇  
英雄不見一箇豪傑

又辛亥過陸庄

片帆輕水遠山長  
鴻鴈將來菊蕊初  
黃碧海鯨鯢蘭  
若翡翠風露死  
央問音信何人  
蒂當想情懷舊日  
風光楊柳池塘  
隨處凋零無限思量

水仙子因觀花間集作

香腮玉膩鬢蟬輕  
翡翠釵梁碧燕橫  
新粧懶步紅芳  
逕小重山空畫屏  
繡簾風暖春醒  
烟草粘飛絮蛛絲  
霄落英無限傷情

江城子感舊

窓前翠影濕芭蕉雨蕭蕭思無聊夢入故園山水碧  
迢迢依舊當年行樂地香迳杳綠苔饒沉香火扃坐  
吹簫憶妖嬈想風標同步芙蓉花畔赤欄橋漁唱一  
聲驚夢覺無覓處不堪招

柳梢青贈妓小瑤英

樓上玉笙吹徹白露冷飛瑤珮缺黛淺含顰香殘栖  
夢子規啼月揚州往事荒涼有多少愁縈思結燕語  
空梁鷓鴣盟寒渚畫闌飄雪

南鄉子東林橋雨篷夢歸

篷上雨潺潺篷底幽人夢故山礧戶林扉元不閉蕭  
閒只有飛雲可往還波冷玉珊珊一壑松風引珮環  
咏得池塘春草句更闌行盡千峰半霎間

太常引壽葵齋

柳陰濯足水侵磯香度野薔薇芳草綠淒淒問何事  
王孫未歸一壺濁酒一聲清唱簾幙燕雙飛風暖試  
輕衣介眉壽遙瞻翠微

鵲橋仙

富豪休恃英雄休使一旦繁華如洗鵲巢何事借鳩



居數載主三易美東家烟起西家烟起無復碧暈朱  
啓我来重宿半間雲舊製唯餘此耳

鷓鴣天

笠澤沿田十五年親知情義日堪憐偷兒三顧吾何  
有俗士羣譏自省愆聊復爾豈其然田翁輕慢牧童  
顛乃知造物深相與急使江湖棹去船

如夢令

削跡松陵華寓藏密白雲深處造物已安排萬事何  
須先慮歸去歸去海鶴山猿同住

踏莎行

春渚芹蒲秋郊梨棗西風沃野收紅稻簷前炙背媚  
晴陽天涯轉瞬凄芳草曾望漁村陶朱烟島高風峻  
節如今掃黃雞啄黍濁醪香開門迎笑東隣老

小桃紅

陸庄風景又蕭條堪嘆還堪笑世事茫茫更誰料訪  
漁樵後庭玉樹當時調可憐商女不知亡國吹向紫  
鸞簫

一江秋水淡寒烟水影明如練眼底離愁數行雁寫

晴天白鶯紅蓼參差見吳歌蕩槳一聲哀怨驚起鷺  
鷗眠

五湖烟水未歸身天地雙蓬鬢白酒新蒟會隣近主  
酬賓百年世事興亡運青山數家漁舟一葉聊且避  
風塵

憶秦娥

昨日嘗賦憶秦娥一首以介石齋前木犀盛開俾  
具一卮酒無使花神笑人寂寞蓋以風雨傷懷耳  
茲重改呈又作一首共寫呈二君却不可默然也

扶疎玉蟾宮樹影闌干曲一襟香露幾枝金粟姮娥  
鏡掩秋雲綠無端風雨聲相續不須澄霽為酤醺醪  
參差玉笙聲莫起瑤臺曲輕風香浸夜涼肌粟黃雲  
巧綴飛霞綠清吟未斷秋霖續恐孤花意倒尊中醪

江城子

滿城風雨近重陽濕秋光暗橫塘蕭瑟汀蒲岸柳送  
淒涼親舊登高前日夢松菊逕也應荒堪將何物比  
愁長綠泱泱遠秋江流到天涯盤屈九回腸烟外青  
鶯飛白鳥歸路阻思微茫

蝶戀花

夜永愁人偏起早容鬢蕭蕭鏡裏看枯槁雨葉鋪庭  
風為掃閑門寂寞生秋草行路難行悲遠道說着  
客行真箇令人惱久客還家貧亦好無家謾自傷懷  
抱

壬子九月廿五日訪照菴高士留飲因書近詞求  
是正之益

題雲林詩集後

鮑謝才情世不多手封詩卷寄江波宅邊東海鯨魚

窟好着輕舟一釣簑

虞集伯玉

題雲林先生小像

才之英德之精坐松石儼像形噫安得斯人兮復生

天師張

故元處士倪雲林先生旅葬誌銘

雲林姓倪諱瓚字元鎮所居雲林故號雲林先生其  
家常州無錫富家至正初兵未動鬻其家田產不事  
富家事事作詩人竊笑其為戇兵動諸富家剽剝廢  
田產人始賞其有見性好潔盥頸易水數十次冠服  
着時數十次拂振齋閣前後樹石嘗洗拭見俗士避  
去如恐免從王文友讀書文友死殮葬不計所費一  
如其所親交張伯雨後伯雨至其家會鬻田產得錢  
千百緡念伯雨老不載至推與不留一緡盛年清名

在館閣晚當至正末飄流中作詩益自喜其詩信口  
率與唐人語合年七十四旅葬江陰習禮子二孟民  
孟羽孟民早卒女三其詩散逸人咸惜之

銘曰捐所優心何求吁嗟乎其為安所由身何投  
吁嗟乎其時獨所修名何留吁嗟乎其詩

長樂王賓撰

故元處士雲林先生墓誌銘

雲林倪瓚字元鎮元處士也處士之志業未及展于  
時而有可以傳于世誦其詩知其為處士而已蓋自  
詩法既變而以清新尚莫克究古雅處士之詩不求  
工而自理致冲淡蕭散尤負氣節見於國朝風雅而  
與虞范諸先輩埒今板行於世故弗論若處士之世  
系固不可無述也按倪之先漢御史寬之裔也十世  
祖碩仕西夏宋景祐使中朝留不遣徙居淮甸占籍  
都梁為時著姓建炎初五世祖益挈其家渡江而南

至常州無錫僑梅里之祇陀愛其地勝俗淳遂定居  
焉厥後族屬寢盛貴雄於鄉高祖伋曾大父淞皆厚  
德長者隱而弗耀大父椿父炳勤於治生不墜益隆  
母蔣氏而處士嚴出也生而俊爽稍長強學好修性  
雅潔敦行孝弟而克恭於兄相其樹立率子弟以田  
廬生產悉有程度有餘財未嘗資以為俚俗紛華事  
其師鞏昌王仁輔老而無嗣奉養以終其身歿為制  
服執喪而葬焉若宦遊其鄉客死不能歸視者則割  
山地以安厝之見義則為不以兒婦人語解尊官顯

人樂與之交於宗族故舊煦煦有恩尤喜周人之急  
神精朗朗如秋月之瑩意氣霽霽如春陽之和刮摩  
豪習未嘗為紃綺子弟態談辯絕人亶亶不倦好客  
之名聞於四方名傳碩師方外大老咸知愛重所居  
有閣名清閔幽迥絕塵中有書數千卷悉手所較定  
經史諸子釋老岐黃紀勝之書盡日成誦古鼎彝名  
琴陳列左右松桂蘭竹香菊之屬敷紆繚繞而其外  
則喬木修篁蔚然深秀故自號雲林每雨止風收杖  
屨自隨逍遙容與詠歌以娛望之者識其為世外人

客至輒笑語留連竟夕乃已平生無他好翫惟嗜蓄  
古法書名畫持以售者歸其直累百金無所靳雅趣  
吟興每發揮於縑素間蒼頸妍潤尤得清致奉幣贊  
求之者無虛日晚益務恬退棄散無所積屏盧釋累  
黃冠野服浮遊湖山間以遂肥遁氣采愈高不為諂  
曲以事上官足跡不涉貴人之門與世浮沉恥於銜  
暴清而不污將依隱焉世氣頗靜復往來城市混跡  
編氓沈晦免禍介特之操皦然不喻年既老而耳益  
聰目益明飲啖步履不異壯時氣貌充然其所養可

知矣處士所著有稿句曲張天雨錢塘愈和慶之為  
書成帙藏于家洪武甲寅十一月十一日甲子以疾  
卒享年七十有四娶蔣氏先處士七年卒子二長洗  
孟民字也次孟羽號逸女三長適徐瑗次適陸頤  
幼為母舅蔣氏女孫男女若干人既以某年某月日  
奉柩葬于無錫芙蓉山祖塋之下而刻石識歲月且  
遵治命來徵銘余辱游于處士甚久處士來吳嘗主  
余家山肴野籟促席道故舊間規其所偏未嘗愠見  
或吟詩作画縱步徜徉今年秋仲留詩為別而孰知

遂成永訣乎余少處士七歲而將衰行將與草木俱腐何足以任其托乎雖然詎可恣然亡言乎輒舉其槩為銘以畀之聊以紓余哀云耳

銘曰受才之美有其時曷賈弗售卒不施依隱玩世與時違安常處順全吾歸嗇不使祿昌載詩寢言歌之其聲希沒而不朽惟在茲

拙逸老人周南老撰

### 雲林詩集後序

世之人歿齒無聞者蓋多矣然有以道德著功名顯文章鳴挺然出於穎者焉道德尚矣未易及也功名則隨於世用詩律亦文章流進不遇於時退而因其才之高下或績文或綴詩或攻



詞翰染畫雖不逮建初業皆是  
以有稱於世漢唐宋之偉人碩  
士不暇及若前元雲林倪先生  
瓚遭世之季知其不可為也因  
放跡於山水寓情於詩畫才高  
一代人皆知重之今其歿且百  
季遺墨之或存者咸膾炙於人

口金玉於當世功名侶未多讓  
視歿世無聞者蓋倍筵無筭矣  
予曾大父西溪翁至正間與同  
里彞齋王先生鶴溪張先生齊  
稱於時雲林恒往來於溪交誼  
既洽題詠最多彞齋之季文靜  
號梅西齋葺雲林集其孫景昇

近出而輯之予得覽焉不勝追  
歎然慮騰鑑久將無諂而廢因  
命工鳩梓用壽其傳且求詞林  
宿學詩壇宗盟序其首而贊其  
末庶乎先生之名於是益著云  
樂正老人荆南蹇曦朝陽識



天河之水清且漪雲林泚華寫  
新詩考時石錄上者餘子上與陶  
謝回襟期騷壇荒去送編在海  
庭珊瑚叢光彩商彝周鼎三千  
年制度天全人莫改春林啾々  
喧百禽而獨重此瑤華音瓊華  
影徹恐難續老我臨風試一吟

寒君朝陽將以雲林詩繡梓  
間以示予因綴數韻以賞之  
天順四年前進士戶部郎中  
同郡卞崇熾



